


中武日
595
10

十四
十五



門
號
卷

御纂醫宗金鑑卷十四

訂正仲景全書傷寒論註霍亂篇目錄

四逆加人參湯

國
藏
書

御纂醫宗金鑑卷十四

仲景全書傷寒論註



霍亂病脈證并治篇

霍亂者因風寒暑熱飲食生冷之邪雜揉交
 病於中正不能堪一任邪之揮霍撩亂故令
 三焦混淆清濁相干亂於腸胃也表甚則有
 頭痛身痛發熱惡寒之證裏甚則有嘔吐瀉
 利腹中大痛之證寒甚則轉筋厥逆冷汗暑
 甚則大渴引飲不已病既不同治亦各異惟

在詳審其因分而療之庶卒然之頃不致有誤矣

問曰病有霍亂者何答曰嘔吐而利此名霍亂

註問曰病有霍亂者其狀何似答曰卒然嘔吐瀉利者是名霍亂也

集成無已曰三焦者水穀之道路邪在上焦則

吐而不利在下焦則利而不吐在中焦必既吐且利以飲食不節寒熱不調清濁相干陰陽乖隔而成霍亂輕者祇曰吐瀉重者揮霍

撩亂故曰霍亂

問曰病發熱頭痛身疼惡寒吐利者此屬何病答曰此名霍亂自吐下又利止復更發熱也

註此承上條以詳出其證也頭痛身疼發熱惡寒在表之風寒暑熱為病也嘔吐瀉利在裏之飲食生冷為病也具此證者名曰霍亂若自嘔吐已又瀉利止仍有頭痛身疼惡寒更復發熱是裏解而表不解也宜用藿香正氣湯或香薷飲散而和之可也若不頭痛身疼

惡寒吐瀉汗出發熱渴而引飲是表解而裏未解也宜辰砂六一散或白虎加人參湯補而清之可也

集註

方有執曰發熱頭痛身疼惡寒外感也吐利內傷也上以病名求病證此以病證實病名反覆詳明之意

程應旄曰霍亂之證僅見嘔吐而利誰不知責重中焦者若病有發熱頭痛身疼惡寒夾此吐利而來表裏之間倉卒難辨故從惡定名破去傷寒之稱名曰霍亂不欲人以表惑裏也

沈明宗曰吐利已止復更發熱乃裏氣和而表邪未解當從解表之法或無表證但有腹痛吐利此為裏邪未解當以和裏為主

傷寒其脈微瀯者本是霍亂今是傷寒却四五日至陰經上轉入陰必利本嘔下利者不可治也欲似大便而反失氣仍不利者此屬陽明也便必鞭十三日愈所以然者經盡故也

註 此承上條辨發熱頭痛身疼惡寒吐利等證
 為類傷寒之義也若有前證而脈浮緊是傷
 寒也今脈微瀼本是霍亂也然霍亂初病即
 有吐利傷寒吐利却在四五日後邪傳入陰
 經之時始吐利也此本是霍亂之即嘔吐即
 下利故不可作傷寒治之俟之自止也若止
 後似欲大便而去空氣仍不大便此屬陽明
 也然屬陽明者大便必鞭雖大便鞭乃傷津
 液之鞭未可下也當俟至十三日經盡胃和
 津回便利自可愈矣若過十二日大便不利
 為之過經不解下之可也

集註

魏荔彤曰此申解霍亂病似乎傷寒應為辨

明孰為傷寒之吐利孰為霍亂之吐利以定
 治法無誤也傷寒中之吐利有六經形證而
 霍亂中之吐利有表裏陰陽俱應一一辨明
 方有確見而不搖惑也

下利後當便鞭鞭則能食者愈今反不能食到後
 經中頗能食復過一經能食過之一日當愈不愈

者不屬陽明也

註

此申上條下利後便必鞭之義也凡下利後腸胃空虛津液匱乏當大便鞭鞭則能食者是為胃氣復至十三日津回便利自當愈也今反不能食是為胃氣未復俟到十三日後過經之日若頗能食亦當愈也如其不愈是為當愈不愈也當愈不愈者則可知不屬十三日過經便鞭之陽明當屬吐利後胃中虛寒不食之陽明或屬吐利後胃中虛燥之陽明也此則非藥不可俟之終不能自愈也理中脾約擇而用之可矣

集註

張璐曰若利止而不能食邪熱去而胃氣空虛也俟過一經胃氣漸復自能食矣

霍亂頭痛發熱身疼痛熱多欲飲水者五苓散主之寒多不用水者理中丸主之

註

霍亂者水飲內發故吐瀉交作也風寒外襲故頭痛發熱身疼痛也熱多欲飲水者是飲熱也主五苓散以兩解其飲熱若不欲飲水

者是中寒也主理中丸以獨溫其中理中丸
卽理中湯和劑作丸也

集註

方有執曰霍亂熱多欲飲水者陽邪盛也寒
多不用水者陰邪盛也五苓散者水行則熱
瀉是亦兩解之謂也理治也料理之謂中裏
也裏陰之謂參朮之甘溫裏也甘草甘平和
中也乾薑辛熱散寒也

沈明宗曰此言霍亂須分寒熱而治也頭痛
發熱身疼痛者風寒傷於表也外風而挾內
熱飲食以致吐利必欲飲水當以五苓散兩
解表裏使邪從汗出裏邪卽從小便而去不
欲飲水者寒多無熱胃陽氣虛當以理中丸
溫中散寒爲主此以表裏寒熱辨證治病也
吐利止而身痛不休者當消息和解其外宜桂枝
湯小和之

註

霍亂吐利已止而身痛不休者此裏和而表
未和當消息輕重以治之故宜桂枝湯小汗
以和其外也

集註

方有執曰吐利止裏和也身痛表退而新虛也消息猶言斟酌也桂枝湯固衛以和表也

小和言少少與服不令過度之意也

程應旄曰吐利俱止毫無霍亂證矣僅是身痛不休方可從桂枝例一和解其外以其中

有芍藥之寒故猶當消息猶曰小和况吐利

未止敢恣意於寒涼也哉

張錫駒曰本經凡言小和微和者謂微邪而

毋庸大攻也

吐且利小便復利而大汗出下利清穀內寒

熱脈微欲絕者四逆湯主之

註

霍亂之為病既吐且利津液內亡小便當少

而無汗今小便復利而大汗出下利清穀脈

微欲絕者是外之陽虛不能固護內之陰寒

獨盛於中內真寒而外假熱也故不用理中

而以四逆主之也

集註

成無已曰吐利亡津液則小便當少小便復

利而大汗出津液不禁陽氣大虛也脈微為

亡陽若無外熱但內寒下利清穀為純陰證
 此以外熱為陽未絕猶可與四逆湯救之
 吳人駒曰既吐且利而大汗出則泄路盡開
 而小便又復利云復利者反不欲其利而為
 收藏之地也下利清穀內寒外熱且脈微欲
 絕一綫之微陽挽回誠為不易四逆之施詎
 可緩乎

吐利汗出發熱惡寒四肢拘急手足厥冷者四逆
 湯主之

註

霍亂吐利汗出發熱惡寒四肢拘急手足厥
 冷者乃中外皆寒之證也宜四逆湯助陽以
 勝陰也

集註

方有執曰吐利四肢拘急手足厥冷裏陰盛
 也汗出發熱惡寒表陽虛也宜四逆湯中外
 合救之劑也

程知曰吐利而復汗出陽氣幾於走失矣發
 熱惡寒為陽未盡亡四肢拘急手足厥冷不
 得不用四逆以助陽退陰也又按少陰證云

惡寒身踈而利手足厥冷者不治又云下利惡寒而踈卧手足溫者可治此之吐利汗出四肢拘急手足厥冷而用四逆治之者以有發熱一證也發熱爲陽未盡亡猶是病人生機故經又曰吐利手足不逆冷反發熱者不死

吐已下斷汗出而厥四肢拘急不解脈微欲絕者通脈四逆加豬膽汁湯主之

註霍亂吐下已止汗出而厥四肢拘急脈微欲

絕者乃中寒盛極阻格陽氣不達於四肢也

宜通脈四逆湯加豬膽汁從陰以通陽也

集註成無已曰吐已下斷津液內竭則不當汗出

而厥今汗出而厥四肢拘急不解脈微欲絕者陽氣大虛陰氣獨盛也若純與陽藥恐陰爲格拒或嘔或躁不得復入也與通脈四逆湯加豬膽汁膽苦入心而通脈膽寒補肝而和陰引陽藥使不被格拒內經曰微者逆之甚者從之此之謂也

方有執曰已止也下即利也斷絕也言吐利兩皆止絕而又以其餘證之不解者更出其治也

惡寒脈微而復利利止亡血也四逆加人參湯主之

按利止亡血如何用大熱補藥利止當是利不止亡血當是亡陽

註霍亂吐下已止若惡寒脈微而復利利不止者是陽氣虛也宜四逆加人參益其陽補其

氣也

集註林瀾曰霍亂要在審察寒熱而治若夏月

中暑霍亂脈虛小便赤少不可用附子乾薑須仔細辨之利止脈微而惡寒乃可用耳又

日中暑霍亂祇宜五苓散加香薷扁荳葛根薑汁炒黃連之類治之

四逆加人參湯方

於四逆湯方內加人參一兩餘依四逆湯法吐利發汗脈平小煩者以新虛不勝穀氣故也

註 霍亂吐已利斷汗出已止脈平和者內外俱解也法當食食之小煩者以吐下後新虛不勝穀氣故也節其飲食自可愈矣

集註

鄭重光曰吐利發汗脈平陰退陽回乃有此象猶以新虛不勝穀氣而致小煩蓋霍亂吐利時不可便與飲食以胃氣逆反倉廩未固不可便置米穀耳

張錫駒曰霍亂一病夏秋最多是風寒暑濕之邪中人皆能病霍亂非止一寒邪也若吐利過甚損傷中焦之氣以致陰陽間隔手足厥冷脈微欲絕不多飲水者無分寒暑皆宜四逆理中治之蓋邪盛而正實者當瀉其邪邪盛而正衰者宜扶其正况夏月之時陽氣浮於外陰氣伏於內復以冷風寒其形冷水寒其胃內外皆寒風暑之邪未有不乘虛入於陰經者所以夏月祇有陰證而無傷寒今人患暑證死而手足指甲皆青者陰證也古人以大順散治暑良有以也

八以六則對合暑夏育以也
人患暑當取而手足許甲者青者劍蠶也古
然劍蠶者而以夏只許亦劍蠶而無動寒今
寒其胃內也者寒風暑之脈未育不乘血人
對然於劍蠶於於內對以合風寒其沃命水
脈盈而五衰者宜於其五於夏只之却則於
四並聖中命之蓋脈盈而五實者當為其脈
通命通則於於不交於水者無合寒暑皆宜
脈脈其對對中其之脈以姪劍蠶則則手足

御纂醫宗金鑑卷十五

訂正傷寒論註目錄

- 辨可汗病脈證篇
- 辨不可汗病脈證篇
- 辨可吐病脈證篇
- 辨不可吐病脈證篇
- 辨可下病脈證篇
- 辨不可下病脈證篇

御纂醫宗金鑑卷十五

訂正仲景全書傷寒論註

辨可汗病脈證篇

夫以為疾病至急倉卒尋按要者難得故重集諸
可與不可方治比之三陰三陽篇中此易見也又
時有不止是三陰三陽出在諸可與不可中也

註

夫以疾病至急倉卒尋求治法難得其要者
汗吐下也故重集汗吐下諸可與不可與之
法比之三陰三陽篇中則易見也又時有不

止是三陰三陽篇中者亦出在諸可與不可與中也

大法春夏宜發汗

註春夏陽氣舒暢故宜發汗醫治常道此大法也

集註程應旄曰春夏宜發汗者發汗有助宣陽氣之功等於春夏發生長育之義今人多以麻桂二湯作春夏之禁藥其輕於畔經者由其未明天道也

凡發汗欲令手足俱周時出以縶縶然一時間許亦佳不可令如水淋漓若病不解當重發汗汗多者必亡陽陽虛不得重發汗也

註凡發汗令手足俱周時出是欲汗緩出周遍則邪氣悉去正氣不傷也以縶縶然不得令如水淋漓為度不欲汗急出過多也若急出過多則邪氣不盡正氣反傷矣倘若病不解當重發汗但前汗已多更汗必亡其陽陽虛即病不解故不敢再發其汗也

集註成無已曰汗緩緩出則表裏之邪悉去汗大出則邪氣不除但亡陽也陽虛為無津液故不可重發汗

方有執曰此丁寧發汗之節度也

張錫駒曰汗乃津液汗多則亡津液何以又謂亡陽也經云上焦開發腠理薰膚充身澤毛若霧露之漑蓋汗雖津液必藉陽氣之薰蒸宣發而後出故汗多亡津液而陽亦隨之俱亡也

凡服湯發汗中病即止不必盡劑也

註服湯發汗汗出病解便可止再服不必定然

盡劑

集註程應旄曰中病即止亦麻黃桂枝互舉之詞

示搏節於中字所以嚴不中之禁也

凡云可發汗無湯者丸散亦可用要以汗出為解然不如湯隨證良驗

註凡云可發汗無湯者一時倉卒無湯以丸散代之亦可要不過以汗出為解耳然丸散乃

定劑不如湯可隨證而進其驗甚準故曰良也

集註

程應旄曰丸散僅可從權隨證則不如湯

夫病脈浮大問病者言但便鞭耳設利者為大逆鞭為實汗出而解何以故脈浮當以汗解

註

脈浮大屬表未解雖有便鞭裏實亦不可利下何以故因脈浮也當先解其外表解熱除內外和諧而大便自通矣設用利藥是為大逆也

集註

成無已曰結胸雖急脈浮大尤不可下下之

即死況此便鞭乎論中有云本發汗而復下之此為逆若先發汗治不為逆此之謂也

辨不可汗病脈證篇

脈濡而弱弱反在關濡反在巔微反在上濇反在下微則陽氣不足濇則無血陽氣反微中風汗出而反躁煩濇則無血厥而且寒陽微發汗躁不得眠

註

浮而無力濡脈也沉而無力弱脈也浮中沉

俱無力似有似無微脈也滯而不流利濇脈也巔謂浮也上謂寸也下謂尺也脈濡而弱弱反在關濡反在巔微反在上濇反在下謂關脈浮濡沉弱寸脈微尺脈濇陽虛則寸脈微血少則尺脈濇此陽虛血少不可汗之脈也陽虛當汗出惡寒血少當心煩發熱此陽虛血少不可汗之證也若誤認為太陽中風而發其汗必致陰陽相失而兩亡則反煩躁不眠厥而且寒矣

脈濡而弱弱反在關濡反在巔弦反在上微反在下弦為陽運微為陰寒上實下虛意欲得溫微弦為虛不可發汗發汗則寒慄不能自還

註

此謂關脈浮濡沉弱寸脈弦尺脈微也弦為少陽熱邪之診微為少陰寒邪之診故曰上實下虛也然微弦同見虛實未審惟察其人意欲得溫則非惡寒在表而是畏寒在裏也故不可發汗若誤發其汗則陰愈盛而生寒慄陽愈衰而不能自還矣

諸脈得數動微弱者不可發汗發汗則大便難腹中乾胃燥而煩其形相像根本異源

註凡諸病得數動脈者有餘診也可發汗若按之微弱者是外假實而內真虛也不可發汗若誤發其汗傷其津液則腹中乾大便難胃燥而煩其形似胃實熱結之陽明究其根本實由發虛家汗致成津枯虛燥之陽明也故曰其形相像根本異源也

集程知曰動數爲熱微弱爲虛發汗動津液則

便難腹乾胃燥而煩此與陽明裏熱之證雖曰其形相似而根本則有虛實之不同也張志聰曰數動陽脈也微弱陰脈也諸脈得動數微弱者猶言左右三部或得動數之脈而按之微弱者皆不可發汗發汗則津液內竭故大便難水氣外洩故腹中乾火熱上蒸故胃燥而煩其形相像者汗後而燥證相同也根本異源者動數之脈屬乎陽微弱之脈屬乎陰有陰有陽有虛有實也

厥脈緊不可發汗發汗則聲亂咽嘶舌萎聲不得前

註可發汗之脈必陰陽俱緊今厥而脈緊乃少

陰之緊非太陽之緊也若發其汗則傷少陰

之氣聲亂咽嘶舌萎聲不得前之證作矣

集註成無已曰厥而脈緊則少陰傷寒也法當溫

裏而反發汗則損少陰之氣其脈不能入肺

中循喉嚨挾舌本故聲亂咽嘶舌萎聲微言

語不得高也

魏荔彤曰此段就厥證論脈知陽虛禁汗因

明諸逆發汗之貽悞也厥者凡厥有冷厥熱

厥虺厥寒熱相勝之厥但見緊脈無論何厥

病皆在陰若發汗反攻其陽則氣散血竭夫

舌根於腎聲出於肺聲亂咽嘶肺氣欲絕也

舌萎卽萎不爲用也聲不得前本氣不振也

皆由於發汗散亡其腎肺二臟真氣也

動氣在右不可發汗發汗則衄而渴心苦煩飲卽

吐水動氣在左不可發汗發汗則頭眩汗不止筋

惕肉瞶動氣在上不可發汗發汗則氣上衝正在
心端動氣在下不可發汗發汗則無汗心中大煩
骨節苦痛目暈惡寒食則反吐穀不得前

註

動氣者築築然氣跳動也臍之上下左右四
藏之位也四藏之氣不安其位故動也緣素
爲客邪所據本藏之氣已失其守尚賴中州
胃氣爲主卽有表邪不可發汗恐胃中之氣
液兩傷本藏失養則所不勝之邪因而同病
也動氣在右肺氣不治心不恒德若誤汗之

則心氣愈熱血脈沸騰故動而渴苦煩也肺
失治節不能通調水道故飲卽吐水也動氣
在左肝氣不治肺不恒德若誤汗之則肝虛
失升故頭眩也若汗出不止津液失養筋肉
故惕瞶也動氣在上心氣不治腎不恒德若
誤汗之則心氣虛故腎氣上衝正在心端也
動氣在下腎氣不治脾不恒德若誤汗之腎
水虛竭故骨痛惡寒無汗心煩目暈也脾土
過燥不守常化故食則反吐穀不得近也

集註程知曰此言動氣不可發汗也蓋正氣內虛藏氣不治故氣築築然動動氣為裏虛故不可發汗

程應旄曰藏氣不安其位故動因素有邪據本藏之氣反在依附之間最易離經所恃莫定之者全賴胃氣為之主發汗虛其胃氣則四藏失所養反被邪攻各見離經之象病雖左右上下之不同要其失於建中之義則一也

咽中閉塞不可發汗發汗則吐血氣微絕手足厥冷欲得蹠臥不能自溫

註少陰之脈循喉嚨繫舌本咽中閉塞少陰之氣不能上通也若強發少陰汗陽微不能作汗必動其血故吐血氣微絕蹠臥厥冷不能自溫也

集註程知曰咽中閉塞不可發汗蓋陰邪盛也強發其汗必動其血至於吐血氣欲絕則併腎中之微陽不能自存故遂手足厥冷欲得蹠

臥不能自温夫下厥上竭踈臥厥冷在少陰皆危證也

程應旄曰汗劑為陽施於陰經則逆咽中閉塞由少陰液少腎氣不能上通也發少陰汗則下厥上竭故見證如此

欬者則劇數吐涎沫咽中必乾小便不利心中饑煩晬時而發其形似瘧有寒無熱虛而寒慄欬而發汗踈而苦滿腹中復堅

註欬者則劇欬之甚也數吐涎沫肺傷液耗矣

故咽乾小便不利心中饑煩也晬時週時也謂週時一發其形似瘧有寒無熱中虛而生寒慄也若誤以為形寒之欬而發其汗則肺氣既虛而衛陽又亡陽氣兩傷不能温及中下陰氣凝於內外自踈而苦滿腹中復堅矣

集程知曰此承上言濡弱弦微之脈其有欬者則病劇而不可汗也欬則數吐涎沫其咽中必乾小便不利膈中陽虛必心中饑而煩衛氣一日夜五十度週於身陽虛不能自衛

訂正傷寒論註不可汗病篇

故晬時寒慄如瘧但有寒無熱此而發汗則陽氣愈虛陰寒益盛必蹇而苦滿腹中轉堅也

欬而小便利若失小便者不可發汗汗出則四肢厥而逆

註 欬多飲病小便應不利若小便利知無飲也今欬而遺失小便是不但無飲且係下焦陽虛膀胱不固之欬也故不可發汗汗出則陽氣愈衰四肢逆冷矣

集註

程知曰內經謂腎欬不已膀胱受之膀胱欬狀欬而遺尿故欬而小便利若失小便者是腎中陽虛也發汗則陽氣益亡故厥冷

諸逆發汗病微者難差劇者言亂目眩者死命將難全

註

不當汗而汗當汗而過汗皆致逆故曰諸逆也發汗致逆之病病微者難差病劇者則死劇者謂陽脫見鬼則言亂陰脫目盲則目眩也

集註程應旄曰諸逆屬少陰居多陰寒極矣發汗是重奪其陽雖有微劇不同皆關於死明乎陽為人命之根也

傷寒頭痛翁翁發熱形象中風常微汗出自嘔者下之益煩心懊懣如饑發汗則致瘥身強難以屈伸熏之則發黃不得小便灸則發欬唾

詩頭痛翁翁發熱汗出則嘔形相中風者當以桂枝湯解肌若下之重則變結胸痞鞭輕則為心中益煩懊懣如饑不以桂枝湯解肌下

以麻黃湯發汗表虛風入則致瘥故身強難以屈伸也或以火熏蒸劫汗則不得小便熱從濕化而發黃也灸則火邪傷肺故發欬唾不已也

集註成無已曰若反下之邪熱乘虛流於胸中為虛煩心中懊懣如饑若發汗則虛表熱歸經絡熱甚生風故身強直而成瘥若熏之則火熱相合消燬津液故小便不利而發黃肺惡火灸則火熱傷肺必發欬而欬唾也

高士宗曰汗下火熏施治各異損正則一故舉下之熏之與發汗而並論之也

魏荔彤曰此申明雖有表證宜汗亦當詳察知禁也似中風頭痛翁翁發熱桂枝證也嘔則仍是水飲內畜矣誤下益煩懊憹如饑則未下時已煩可知此特更甚耳若再悞汗表虛風入故身強難以屈伸火熏逼汗熱入於裏故小便不得蓋小便利者不成黃證發黃則小便為濕邪所阻熱邪所耗可知灸則熱上衝故欬唾膿血也

辨可吐病証篇

大法春宜吐

註汗吐下治病之大法謂春宜於吐者是象天之春氣上升以立法也然凡病有當吐者則吐之又不可一概而論也

集註程應旂曰吐法從升有發陳之義故曰春宜吐

凡用吐湯中病便止不必盡劑也

註凡用吐湯原以去上焦之邪中病即止若病去而過用之反傷中氣所以不必盡劑也

集註

程應旄曰吐以去上焦之邪上焦為清陽之分吐之過劑則邪去而所傷者膈中之陽陽固不可不寶惜也

病胸上諸實胸中鬱鬱而痛不能食欲使人按之而反有涎唾下利日十餘行其脈反遲寸口脈惟滑此可吐之吐之利則止

註

胸上諸實謂或痰或熱或寒之類也諸實為

病故胸中鬱鬱而痛不能食也欲使人按之不但痛不能減而反有涎唾知邪在胸中盛滿得按而上溢也經曰下利脈遲而滑者內實也今下利日十餘行其脈反遲寸口惟滑知寒實在上水不下輪膀胱而走大腸也故但吐之利自止也

集註

張璐曰痛不得食按之反有涎唾者知有寒痰在胸中也下利脈遲寸口惟滑者為膈上實故吐之則利自止也

病手足逆冷脈乍結以客氣在胸中心下滿而煩
欲食不能食者病在胸中當吐之

註

病人手足厥冷脈乍結者以寒邪結氣結在
胸中陽氣不能四達也心下滿而煩者實結
則滿陽鬱則煩也欲食不能食者是客氣病
在胸中故當吐之也

集註

成無已曰此與瓜蒂散證同彼云脈乍緊此
云脈乍結惟此有異緊為內實乍緊則邪在
胸中實而未深也結為結實乍結則邪在胸

中結而未深也雖所治俱同但輕之重之不
無別也

程知曰脈來緩時一止復來曰結結者痰氣
結滯之名此與瓜蒂散證同但彼云脈乍緊
則為寒邪盛此云脈乍結則為痰氣實也
張錫駒曰病人手足厥冷者氣機內結不能
外達於四肢也心下滿而煩者邪實則滿正
傷則煩也

魏荔彤曰脈乍結非脈之本然乃有形之邪

御纂醫宗金鑑 卷之五
阻礙其胸中宗氣故榮衛之氣不能暢行
同於氣血虛微不能流布之結也

宿食在上脘者當吐之

註胃有三脘宿食在上脘者痛在胸膈痛則欲吐可吐不可下也在中脘者痛在心口痛欲吐或不吐可吐可下也在下脘者痛在臍上痛不欲吐不可吐可下也故曰宿食在上脘者當吐之此詳凡在上者皆可吐也

集註

成無已曰宿食在中下脘則直下宿食在上

脘則當吐內經曰其高者因而越之其下者引而竭之

方有執曰上脘謂胃府之口也

張志聰曰胃爲水穀之海有上脘中脘下脘之分上主納中主化今食在上脘不得腐化故爲宿食當吐之

程應旌曰宗氣聚於胸中升降呼吸出焉清陽之分豈容濁物留滯吐以宣之使無障礙也若屬表邪傳入無形而有形則痞滿結胸

另有治法均非宜矣

辨不可吐病脈證篇

具見六經中

辨可下病脈證篇

大法秋宜下

註

天至秋則氣降物至秋則成實實則宜下凡邪在下者俱宜取法乎此義也

凡可下者用湯勝丸散中病便止不必盡劑也

註

湯者盪也丸者緩也下藥貴遲以凡服下藥用湯所以勝丸也中病即止不必盡劑者恐

盡劑反傷其正氣也

集註

程應旄曰用湯勝丸貴活法也中病即止示節制也

下利三部脈皆平按之心下鞭者急下之宜大承

氣湯

註

下利心下鞭者諸瀉心湯證也若寸關尺三部脈平實有力雖下利仍宜攻其鞭也

集註

方有執曰三部脈皆平血氣和可知矣心下

鞭實也所以急下之也

張錫駒曰本經云若自下利者脈當微厥今

反和者此為內實也宜下之

下利脈遲而滑者內實也利未欲上當下之宜大

承氣湯

註

脈遲不能兼滑惟浮取之遲沉取之滑則有
之矣今下利脈遲而滑謂浮遲而沉滑也浮
遲則外和沉滑則內實欲止內實之下利仍
當下之使積去則利自止宜大承氣湯

集註

程應旂曰遲而滑滑在下而遲在上知為物
阻之遲非寒陰之遲故但下其所阻則內實
去而利自止矣

問曰人病有宿食何以別之師曰寸口脈浮而大

按之反濇尺中亦微而濇故知有宿食當下之宜

大承氣湯

按

尺中微字當是大字若是微字斷無當下之
理

註

寸口脈浮而大按之反濇謂按之且大且濇

且有力也關上尺中亦然大濇有力為實而不利之診故知有宿食也當下之宜大承氣

湯

集註

程知曰滑為有食結滯經宿則脈澁矣尺以候內沉以候裏故宿食之脈按之反濇尺中亦大而濇也

下利不欲食者以有宿食故也當下之宜大承氣

湯

註

初下利不欲食者是傷食惡食故不欲食也

若久下利不欲食者是傷脾食後飽脹不欲食也今初下利即不欲食故知有宿食也當下之宜大承氣湯無疑也

集註

程應旄曰傷食惡食故不欲食與不能食者自別下利有此更無別樣虛證知非三陰之

下利而為宿食之下利也故當下之

下利差至其年月日時復發者以病不盡故也當下之宜大承氣湯

註

下利差後至其年月日時而復發其利者此

宿食積病攻之不盡故也若其人形氣不衰
飲食尚強當攻其未盡自不復發矣宜大承

氣湯

集註

方有執曰其期也謂周其一年之月日期也

程應旄曰下利差後而餘邪之棲於腸胃迴
折處者未盡是為伏邪凡得其候而伏者仍
應其候而伸下則搜而盡之矣

下利脈反滑當有所去下乃愈宜大承氣湯

註

此承上條互發其義以詳其脈也下利脈反

滑是證也脈實不相宜也若其人形氣如常

飲食如故乃有當去之積未去也下之乃愈

宜大承氣湯

集註

程應旄曰滑為實故可行通因通用之法

病腹中滿痛者此為實也當下之宜大承氣湯

註

腹中不滿而痛者病或屬虛若滿而痛則為

實矣當下之宜大承氣湯

集註

張璐曰腹中既滿且痛為實結無疑急須下

之

程應旄曰病腹中滿痛雖在陰經亦可下不
必其為陽明矣

傷寒後脈沉沉者內實也下之解宜大柴胡湯

註傷寒後不解脈沉沉而有力者內實也宜以
下解然其人必午後小有潮熱故取大柴胡
兩解之也

脈雙弦而遲者必心下鞭脈大而緊者陽中有陰
也可下之宜大承氣湯

註雙弦謂左關右關皆見弦脈也左關脈弦肝

本脈也右關脈弦木刑土也弦者飲也遲者
寒也心下鞭者是肝邪挾寒飲而傷胃故不
可下乃生薑瀉心湯證也若脈大按之緊是
陽有餘而陰亦實也乃有餘之鞭非胃傷者
比故可下之宜大承氣湯也

辨不可下病脈證篇

脈濡而弱弱反在關濡反在巔微反在上瀼反在
下微則陽氣不足瀼則無血陽氣反微中風汗出
而反躁煩瀼則無血厥而且寒陽微則不可下下

之則心下痞鞭

註

此即前不可發汗之條所謂關脈浮濡沉弱寸脈微尺脈瀋陽虛血少之診也汗既不可下亦不可均為陽虛故也若誤下之則寒虛內竭心下痞鞭必成太陰誤下下利之痞鞭矣

集註

程應旄曰誤汗亡陽分之陽誤下亡陰分之陽無陽則陰獨而地氣得以上居故心下痞鞭

脈濡而弱弱反在關濡反在巔弦反在上微反在下弦為陽運微為陰寒上實下虛意欲得溫微弦為虛虛者不可下也

註

此亦前不可發汗之條所謂關脈浮濡沉弱寸脈弦尺脈微上實下虛之診也微弦為虛既不可汗亦不可下下虛故也

集註

成無已曰虛家下之是為重虛

脈濡而弱弱反在關濡反在巔浮反在上數反在下浮為陽虛數為無血浮為虛數生熱浮為虛自

汗出而惡寒數為痛振而寒慄微弱在關胸下為急喘汗而不得呼吸呼吸之中痛在於脇振寒相搏形如瘧狀醫反下之故令脈數發熱狂走見鬼心下為痞小便淋漓少腹甚鞭小便則尿血也

註

此謂關脈浮濡沉弱寸脈浮尺脈數也關濡弱為中氣虛乏寸浮無力為陽虛尺數無力為血虛陽虛故汗自出而惡寒血虛故身痛振寒而慄中氣虛乏故胸膈氣急喘汗而不得呼吸呼吸之中痛引於脇也振寒相搏形

如瘧狀裏邪不實表邪未解醫反下之虛陽未罷之表盡陷於裏故令脈虛數無倫發熱狂走見鬼心下為痞少腹甚鞭小便淋漓尿血也

集註

張璐曰寸口浮濡而關弱尺數者以其人陽氣本虛虛陽陷於陰分也若誤下傷血必致狂走痞滿尿血也

魏荔彤曰前虛寒之忌下易知此虛而兼熱之忌下難知故兩條相映互言以示禁也

脈濡而緊濡則衛氣微緊則營中寒陽微衛中風
 發熱而惡寒營緊衛氣冷微嘔心內煩醫為有大
 熱解肌而發汗亡陽虛煩躁心下苦痞堅表裏俱
 虛竭卒起而頭眩客熱在皮膚悵快不得眠不知
 胃氣冷緊寒在關元技巧無所施汲水灌其身客
 熱因時罷慄慄而振寒重被而覆之汗出而昌巔
 體惕而又振小便為微難寒氣因水發清穀不容
 間嘔變反腸出顛倒不得安手足為微逆身冷而
 內煩遲欲從後救安可復追還

註

脈濡而緊謂浮濡而沉緊也濡則衛表微緊
 則營裏寒外有發熱汗出惡寒之表內有微
 嘔心煩之裏醫為有熱解肌發汗表陽愈虛
 而生煩躁裏寒更急心下痞鞭表虛裏冷故
 卒起頭眩悵快不眠若徒以客熱在膚不知
 中寒在裏而以冷水灌身雖客熱因而時罷
 但慄慄振寒不容不重被而覆之汗出必眩
 惕振厥逆下利清穀煩躁不安而死以中外
 之陽兩亡不能復還也

集註

張錫駒曰汗出而冒巔者汗出則陽氣外亡頭昏冒而目不明故曰冒巔小便為微難陽亡而氣不施化也清穀不容間下利清穀無間隙之時也嘔變者嘔出之味變也腸出者下利而廣腸脫出也

小浮而大浮為氣實大為血虛血虛為無陰孤陽下陰部者小便當赤而難胞中當虛今反小便微汗出法應衛家當微今反更實津液四射喘而煩而不得眠血薄肉消而成暴液醫

復以毒藥攻其胃此為重虛客陽去有期必下如汚泥而死

註

脈浮而大謂脈浮取有力按之大而無力乃革脈象也浮為氣實外急大為血虛中空血虛甚則亡陰陰亡則陽無偶也故曰孤陽獨下陰部謂衛陽下就其陰小便當赤而難以胞中虛竭也若陽不下就其陰則小便反利而大汗出是衛陽表虛邪陽內入無陰以化故反更實致津液四射營竭血盡肉消胃乾

煩不得眠也醫不知此乃以中空暴液之陽
明誤爲胃實復以峻藥攻之則爲虛虛胃陽
之去可期必下污穢如泥而死也

集程知曰此言氣實血虛之脈小便利而大汗
出者不可下也

程應旄曰無陰而孤陽獨下陰部倘得小便
赤而難則胞中不虛僅爲陽搏陽未離則陰
得滯而未散今反小便利而大汗出則衛氣
更微矣其反更實者非衛陽之實而客陽之

實也衛陽猶或抱陰客陽則專於攻陰故
液四射而爲小便利爲大汗出熱甚逼陰所
以營竭血盡乾煩而不得眠血薄肉消而成
暴液暴液云者點滴皆火氣煎熬而出也毒
藥攻胃則土敗而四藏無生下如污泥而死
矣

傷寒脈陰陽俱緊惡寒發熱則脈欲厥厥者脈初
來大漸漸小更來漸大是其候也如此者惡寒甚
者翕翕汗出喉中痛若熱多者目赤脈多睛不慧

醫復發之咽中則傷若復下之則兩目閉寒多便清穀熱多便膿血若熏之則身發黃若熨之則咽燥若小便利者可救之若小便難者為危殆

註

傷寒脈陰陽俱緊惡寒發熱太陽表證也則脈欲厥謂浮緊之脈初大漸小知為欲厥之脈也初來大陽為之也故發熱漸漸小陰為之也故發厥更大更熱更小更厥是其候也如此者當以寒熱別其厥惡寒甚翁翁汗出咽中痛是少陰寒厥也發熱多目赤脈多

不了丁是陽明熱厥也寒甚熱多之厥而發之則咽痛似傷而誤下之則兩目多閉凡厥者必下利寒厥之利下利清穀也熱厥之利下利膿血也此又以利辨厥之寒熱也若以薰蒸取汗則發身黃濕熱合也若以火熨取汗則咽燥火甚傷津也若小便利者則陰未亡故可救之小便難者則陰已亡為危殆也

集註

程知曰言外傷於寒為濕熱之病不可汗下

薰熨也

張璐曰衄來厥者知厥逆之寒熱交勝也初來大者爲邪氣鼓動漸漸小爲正氣受傷更來漸漸大爲邪氣復進也蓋因其人正氣本虛不能主持隨邪氣進退故其衄亦隨邪氣進退忽大忽小也小便利者津液未竭小便難者津液已絕爲危殆也

傷寒發熱口中勃勃氣出頭痛目黃衄不可制貪水者必嘔惡水者厥若下之咽中生瘡假令手足溫者必下重便膿血頭痛目黃者若下之則目閉貪水者若下之其衄必厥其聲嚶咽喉塞若發汗則戰慄陰陽俱虛惡水者若下之則裏冷不嗜食大便完穀出若發汗則口中傷舌上白胎煩燥衄數實不大便六七日後必便血若發汗則小便自利也

註傷寒發熱口中勃勃氣盛而出頭痛目黃將欲作衄衄不可制以陽邪盛故衄之甚也貪水者水與熱搏故嘔也惡水者裏陰寒盛故

厥也傷寒發熱口中出氣盛者若下之熱邪入淺咽中生瘡入深下重膿血頭痛目黃者若下之則兩目閉液傷乾澇也貪水者若下之熱去水停故肢厥聲嚶咽喉塞也若發汗過多亡陽故戰慄表裏俱虛也惡水者若下之裏寒更甚故不嗜食下利完穀也若發汗動其虛陽故口中瘡舌上白胎煩燥也若脈數有力不大便而惡水熱在於陰故六七日後必便血也若更發其汗陰陽俱虛故小便

自利也

集註

程知曰傷寒發熱熱在表也口中勃勃氣出熱在裏也頭痛目黃衄不可制所感之寒與所鬱之熱共蒸於上也此當以貪水惡水辨之貪水者陰虛而熱勝水入而熱與之拒故嘔也惡水者陽虛而寒勝水入而陽氣不任故厥也蓋熱氣挾寒邪上蒸法當辨寒熱多寡而用清解設不知而妄下之是強抑之而邪不服必至咽瘡若手足溫而不厥者其熱

爲勝必以下而致便膿血也頭痛目黃者下之則熱內陷而目閉若貪水者陰虛爲寒下所抑其脈必厥其聲必如嚶兒餒塞不揚也此而更發其汗則亡陽戰慄陽亦與陰俱虛矣若惡水者陽虛加之寒下則有裏冷不嗜食大便完穀出之變也此而更發其汗則虛陽外發必口爛舌白胎而煩燥也脈數實不大便者至六七日後當便血此當下之若更發其汗則非惟大便不行併小便亦爲之不

利矣

微則爲欬欬則吐涎下之則欬止而利因不休利不休則胸中如蟲嚙粥入則出小便不利兩脇拘急喘息爲難頸背相引臂則不仁極寒反汗出身冷若冰眼睛不慧語言不休而穀氣多入此爲除中口雖欲言舌不得前

註

陽盛爲痰陽虛爲飲欬而脈微爲陽虛之欬故欬則吐涎飲也若脈實下之可也今脈微下之寒虛更甚故欬雖止而利因不休也胸

中如蟲嚙是胃寒蟲動故粥入則出也下利
 上吐中寒也小便不利停飲也兩脇拘急喘
 息為難頸背相引臂則不仁此皆中外寒飲
 之證比之少陰停飲此無身痛彼無項背相
 引臂則不仁也若極寒而甚則反汗出身冷
 如冰目睛不慧語言不休而死也以如是之
 證而穀氣多入此為除中中雖欲言舌短難
 伸亦死也

集註

張璐曰誤下之下利不止胃中空虛而反暴

食為除中少陰虛寒而反冷汗為外脫及口
 雖欲言舌萎不能前等死證皆起誤下之害
 如是

脈數者久數不止止則邪結正氣不能復正氣却
 結於藏故邪氣浮之與皮毛相得脈數者不可下
 下之必煩利不止

註

脈數者謂久數不止有熱之人也若脈數動
 時一止熱仍不退是邪氣結正氣不能復正
 氣結於藏邪氣浮於外故也脈雖數促不可

下也若誤下之則邪熱乘虛入裏必煩利不止也

脈浮大應發汗醫反下之此為大逆

註脈浮大此為表實之脈應發其汗若醫誤以大為裏實而反下之此為大逆也

集註程應旂曰脈大與脈浮而大差別盛實純在表也雖有裏證仍宜從表發汗下之則為大

逆

動氣在右不可下下之則津液內竭咽燥鼻乾頭

眩心悸也動氣在左不可下下之則腹內拘急食不下動氣更劇雖有身熱臥則欲蹠動氣在上不可下下之則掌握熱煩身上浮冷熱汗自泄欲得水自灌動氣在下不可下下之則腹脹滿卒起頭眩食則不清穀心下痞也

註動氣在右肺失治矣下之則肺先虛津液內竭故咽燥鼻乾頭眩心悸也動氣在左肝失治矣下之則肝氣益急故食不下腹內拘急動氣更劇表實未減裏虛益甚故雖有身熱

臥則欲蹠也動氣在上心失治矣下之則陰液益傷心火更甚故掌心握熱煩熱汗出欲得水澆卽有身上浮冷亦火盛格陰使然也動氣在下腎失治矣下之則寒虛內甚而腹脹滿故卒起頭眩心下痞滿食則下利清穀也

集註程應旄曰動氣誤下是爲犯藏左右上下隨其經氣而致逆故禁同汗例

咽中閉塞不可下下之則上輕下重水漿不下臥則欲蹠身急痛下利日數十行

註咽中閉塞燥乾腫痛考少陰陽邪也宜下之今不燥乾不腫痛者少陰陰邪也不可下下之則陽愈衰陰愈盛故曰上輕下重也水漿不入臥欲蹠身急痛下利日數十行中外陽虛也

集註張璐曰言初病咽乾閉塞以其人少陰之真陽素虧故汗下俱禁若下之則少陰虛寒諸證蜂起矣

程應旂曰腎邪上逆故有咽中閉塞之證下
之陽氣益虛陰氣益甚故有上輕下重等證
諸外實者不可下下之則發微熱亡脈厥者當臍
握熱

註 諸外實者裏必虛即有不大便無所苦之裏
亦不可下若下之外發之熱雖微內虛之寒
則盛若無脈而厥當臍握熱始暖亦寒之甚
也

集註 方有執曰諸外實指一切之邪在表而言也

發微熱邪入裏也無脈陽內陷也
程知曰下之則表邪內陷外不熱而內發微
熱也其亡脈而厥者則寒氣內深惟當臍一
握熱耳

太陽病有外證未解不可下下之為逆

註 此重出以申叮嚀告戒之意

素註 程應旂曰未解較不解稍異勢雖欲下仍須
俟之

病欲吐者不可下嘔多雖有陽明證不可攻之

註 欲吐者邪在膈上可吐之證也嘔多者邪在少陽可和之證也雖具裏證戒人不可先攻下也

夫病陽多者熱下之則鞭

註 陽病裏熱多者宜乎下表熱多者宜乎汗若表裏熱多當兩解也若單下之表不解則裏虛表熱內陷因作鞭也

集 張璐曰陽熱證多即有陽明證見亦屬經證不可下也不當下而誤下之則陽邪乘虛內陷不作結胸則為痞鞭也

程應旄曰陽病謂表裏熱俱多下之則胃中水竭其鞭也非轉屬陽明之鞭也
無陽陰強大便鞭者下之必清穀腹滿

註 亡陽陰盛燥而無熱雖大便鞭者此乃不大便無所苦之鞭也下之則中寒猶盛故必利清穀腹滿矣

集 成無己曰無陽者亡津液也陰多者寒多也大便鞭則為陰結下之虛胃陰寒內甚故清

穀腹滿

方有執曰陰以寒言強猶言多也清穀陰不能化也腹滿陰寒凝滯而內脹也

傷寒發熱頭痛微汗出發汗則不識人熏之則喘不得小便心腹滿下之則短氣小便難頭痛背強加溫鍼則愈

註傷寒發熱頭痛背強微汗出若不惡寒非溫病即邪傳陽明也若誤發汗不成風溫外熱如灼必成陽明熱甚神昏不識人也以火熏

溫鍼劫之火氣入裏壅塞於胸則喘於腹則滿也火傷衛分津液則不得小便火傷營分血脈則必作衄也若下之則中氣傷故氣短津液傷故小便難也

集註程應旂曰此證近於溫有熱無寒汗下溫鍼均在所禁也

下利脈大者虛也以強下之故也設脈浮革因爾腸鳴者屬當歸四逆湯

註下利脈大裏虛也以其不當下而強下之故

也設脈浮革者謂脈浮大按之空虛表急裏
虛因爾腸鳴屬當歸四逆湯和其表面而溫其
裏也

集註成無已曰浮為虛革為寒寒虛相搏則腸鳴

與當歸四逆湯

音切

瀉 林知 嘶 先齊 萎 於危 悵 丑亮 快 於亮 勃 蒲沒

嚶 於更 嚙 魚結 握 乙角

